



SULEQATIGIISITSISUT
SAMARBEJDSPARTIET

Nuuk ulloq 24. aggusti - 2018

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqutit:

1. Naalackersuisut qanoq iliuseqarniarpat annaassiniarnermi upalungaarsimanerup iluani suliassat naammassisinnaajumallugit maannakkut Sakkutooqarfiup ajornartorsiutigimmagu qulimiguullit nutaat ilaatigut Kalaallit Nunaanni annaassiniarnermi upalungaarsimasunit atorineqartussat inuttassaqartinnissaat

2. Naalackersuisut danskit naalackersuisuisa oqaloqatiginissaat eqqarsaatiginerlugu siunnersuutigalugulu danskit oqartussaaffiisa, soorlu Sakkutooqarfiup Politiillu Issittumi Sakkutooqarfiup suliassaannut ikioqatigiillutik isumaginninnissaat, Kalaallit Nunaanni annaassiniarnermi upalungaarsimasut helikopteriini naammattunik sulisussaqaalernissaq utaqqiisaa, taamaasilluni annaassiniarnermi/SAR-imi akunneq ataaseq ataallugu sivisutigisup iluani qisuariartoqarsinnaalerseqqillugu.

3. Taamaattoqarpat/ taamaattoqanngippat taava suna pissutaava tamatumunnga?

Tungavilersuut:

Tamatta nutaarsiassani atuarsinnaavarput annaassiniarnermi iliuseqarnissamut piffissaq sivitsorneqarsimasoq siusinnerusumut naleqqiullugu Sakkutooqarfimmi, helikopterinik nutaanik atuisartussami, sulisussaaleqineq pissutigalugu.

Kalaallinut imarsiortunut pinngortitami sullivittut sunngiffimmilu ornittakkatut atugaanni kingunerisinnaasai ersaripput. Ukiut ingerlanerini inuppasuit imaani nunamilu ajunaarnikuupput taamaakkaluartorli suli amerlanerit annaanneqarnikuupput.

Maannakkullu 2020 sioqqullugu danskit naalackersuisuisa kiffartuussinerup qaffasissusissaanik isumannaarinissaminnut ajornartorsiuteqarnerat Naalackersuisut arajutsisimanngilaat taamaattumik pissusissamisuussagaluarpoq Naalackersuisut danskit naalackersuisuinnut siunnersuuteqartuuppata oqartussaaffiit helikopterinu upalungaarsimanissamut atortorissaaruteqareersut imaluunniit allanik angallateqareersut suleqatigiissinnaanerit pillugu taamaasilluni qisuarnissamut piffissap qangatut kusanartiginissaa qularnaarlugu.

Kissaatiginassagaluarpoq immikkoortumi suliit ingerlanneqartarnissaannut Naalackersuisut isumaat tusassallugu kiisalu Naalackersuisut isumaat, politikikkut susinnaanitsinnut qularnaarumalugu innuttaasut isumannaatsuunissaasa qularnaarnissaat.

Tillie Martinussen
Suleqatigiissitsisut